



مشختہ جلیلہ اسلامیہ نک جریده رسیہ سیدر

شعبان المعظم ۱۳۳۴ [*]

عدو: ۲۶

آیدہ بر نشر اول نور

اوجہ خبی سنہ

اعطا ايديلهك فتوالرك سجل افتايه قيدينه دائر

مفتي اقديلر طرفندن اعطا اولنه جق فتوالرك تسجيلنه مخصوص ومبدأ ومنهاسيله
هر صحيفه سي محكمه شرعيه نك مهريه مختوم وقاضى بلده طرفندن قاچ صحيفه دن عبارت
اولديني مصدق بردفتر طوتمسى ومذكور دفتر ك حك وسيلنتيدن عارى وسلفدن خلفه
دورى مجبورى بولمى انتظام معامله نقطه نظرندن موافق اوله جفته دائر اكثر مفتش
طرفندن واقع اولان اشعار موافق كورلمش اولمغله بعد ازين اعطا ايديلهك فتوالرك سجل
افتا ناميله توسيعى تسبب اولنان وملفوف نمونه كوره تنظيم اولنه جق ومحكمه شرعيه دن
تصديق ايتديريلهك اولان دفتره حك وسيلنتيدن عارى اوله رق قيدينه وسلفدن خلفه
دورينه دقت واعتنا اولمى لزوم نك تعمياً مفتي اقديلره تبليغى مأمورين قلمى مديريتندن
افاده ايديلهك ايجابى اجرا ايدلمش اولمغله طرف شريفلرندن دخى اكا كوره معامله ايفاسى
سياقده شقه ترقيم قلندى . فى ۱۳ ذى القعدة سنة ۱۳۳۴ وفى ۲۹ اغستوس سنة ۱۳۳۲

اوقاف نظارت جليله سى تبليغات عموميه سى

حريق محللر نده كى مباني وقفيه عرصه لر ينك ضايعاته تابع طوتمامسى حقنده

شورای دولت ملكيه ومعارف داه سنك ۹ جمادى الاولى سنة ۱۳۳۴ و ۱ مارت
سنة ۱۳۳۲ تاريخ و ۲۸۲ نومرولى مضبطه سنك صورتيدر :

داخله نظارت نك شورای دولته حواله بيوريلان ۱۹ تشرين اول سنة ۱۳۳۱ تاريخ
و $\frac{۱۶۳۷}{۷۵۲}$ نومرولو تذكره سى ملكيه ومعارف دائره سنده قرائت اولندى تذكره مذكور
مأئده محترق محللر ك تسويه سنده جوامع ومساجد ومكاتب ومدارس و چشمه وسيل كى
عينندن ابدىاً استفاده اولمى مشروط وعمومه عائد بولنان محترق مباني وقفيه عرصه لر ينك
ضايعاته تابع طوتمامسى اوقاف هايون نظارتندن درميان اولنوب بونلرك اشخاص
عهده سنده كى محترق املاك عرصه لرى كى ضايعاته تابع طوتمامسى ترين بلده ومنفعت عامه
نقطه نظرندن امانتجوده ملتزم بولنش ايسه ده ابنه قانوننك بوخصوصه متعلق اولان
يكر منجى ويكر مى ايكنجى ماده لر نده مباني وقفيه عرصه لر ينك ضايعات نظاميه دن استثناسنه
دائر بر قيد وصراحت اولمديغندن كيفيتك شورای دولته حله وتفسيرى شهر امانتندن
آنان تذكره ده اشعار اولنديغى كوسترلمشدر .

ايجابى لى التأمل اعضادن عباده ويحيى بكلكر طرفندن محترق محللر ك ترلا وجهله تسويه

ایدیله جکفی و حین تسویه ده توسیع طریق ایچون وقوعه کله جک ضایعات عمومیه دن هر عرصه یه مساحه سطحیه سنک نهایت ربغی تجاوز ایتماک شرطیله اصابت ایده جک مقدارک مجاناً یوله ترکی متضمن اولان ابنیه قانوننک یکرمنجی و یکریمی ایکنجی ماده لرنده اشبو مقدارک اصحابی طرفدن ترک اولنه جفی صراحة محرر اولسنه و قانون مذکورک موضوعی احکام عمومیه سنه نظراً هپ صاحبلی اراضی و مبانی تشکیل ایلکده بولنسنه کوره مزبور ماده لرده مندرج صاحبلی محللر و عرصه لر مدلوله تبرعات و تصرفات اجراسنه شرعاً و قانوناً صلاحیتدار بر صاحب و متصرفک وجودی متصور اولیان جوامع و مساجد کی مبانی خیریه و دینییه نک داخل اولدینی واضحاً کورولمکده اولدینی کی قانون مذکورک بشنجی ماده سنده ده معابد شویله طورسون حولیرینک ییله محافظه سنه اعتنا اولنه جفی قید و ذکر ایدلدیکنه و مبانی وقفیه نک ضایعاته تابعیتی فرض ایدلدیکی حالده اوقاف نظارتجه ده افاده ایدلدیکی اوزره بعد الضایعات بونلرک متباقی عرصه اوزرینه بنا و احیالری قابل اونیایوب تأسیسلرندن مقصود اولان غایه نک تأمین امکانی زائل اوله رق بوقیل معابدک رکن اصلی دینیسی اولان شرط تأییده دخی موافق اوله میه جفته و بو کی مبانی وقفیه نک ضایعاته تابع اولماسندن طولای اطرافنده کی عرصه لر اصحابنک فضله ترکیاتده بولنلری احتمالی وارد خاطر اولورسه ده بوده شرط تأییدایله مقید و منفعت عامیه مختص مبانی مباحوث عنادن منتظر اولان استفاده یه قارشى برکلفت عدا اولنه میه جفته بناء محترق مبانی دینی و وقفیه عرصه لرینک اشخاص عهده سننده کی املاک و مبانی عرصه لری کی ضایعاته تابع طولنسنه مساع قانونی بولمیدینی درمیان قلنمش ایسه ده حریق محللرینک تسویه سنده توسیع و تنظیم طریق سببیه وقوعه کله جک ضایعات عمومیه دن هر عرصه یه اصابت ایده جک ضایعاتک مساحه سطحیه نک نهایت یوزده یکریمی بشنی تجاوز ایده میه جکنه دائر اولان ابنیه قانوننک یکریمی ایکنجی ماده سی مطلق اولغله بوندن مبانی وقفیه حقنده بر حکم استثنائی چیقاریله میه جفی کی مبانی وقفیه عرصه لرینک ضایعاتدن استثناسی قبول ایدمک لازم کلسه مبانی امیریه نک ده او استثنایه ادخالی اقتضا ایدوب بوتقدیرجه ضایعات کلفتی تماماً افراده تحمیل ایدلمش اوله جفته و حریق محللری خارجنده ده طریق توسیعاتی و یا تنظیمی طولایسیله قطعنه لزوم کورینه جک بو کی مباینک مجاناً برترکندن استثناسی و الیه حق یرلرک بلدیجه استملاکنی ایجاب ایدوب عدم استثنا حالنده ایسه شرط تأییدایله مقید اولدینی درمیان ایدیلان مبانی وقفیه نک عرصه سی ضایعات نظامیه دن ضکره بونلرک

تکرار تأسیس و احیای مساعدا اولدینی تقدیرده اخیراً نشر اولنان قانون حکمنجه اطرافده کی مبانى و عرصه لردن استعلا کی صورتیه دفع محذور قابل وشمیدی به قدر مبانى و وقفیه عرصه لرینک ضایعاته تابع طوئلده اولدیغیده شهر امانتندن جلب اولنان مأمورك افاده سندن منقهم اولسنه و مبانى امیریه و مؤسسات خیریه نك ابنیه خرج ورسومندن مستثنا اولدینی ابنیه قانوننده مصرح بولندینی حالده كرك محترق محللرده كرك خارجنده توسیع و تنظیم طرفدن طولایى مجاناً یرترکنه تابع اولدینی حقنده احکام موضوعه بولنامسى دخى بو خصوصده مبانى و وقفیه عرصه لرینک مستثنا طوئلدقلرینه دلالت ایلسنه مبنی بر قانون ایله حکمی تعدیل اولنجهیه قدر ذکر اولنان یکر می ایکنجی ماده حکمنك اطلاق و جهله مبانى مذکور نك کما کان ضایعاته تابع اولمى ضرورى بولندینی اکثریتله تذکر و کیفیتك بر کرده هیأت عمومیه جه مذاکره سی تنسیب ایدلدى اولبایده امر و فرمان حضرت من له الامر کدر

هیأت عمومیه دن یازیلان ۲۶ رمضان سنه ۱۳۳۴ و ۱۴ تموز ۱۳۳۲ تاریخلی ذیلک صورتیدر ملکیه و معارف دائره سنك اشبو مضبطه سی هیئت عمومیه ده قرائت اولندی ایجابی لدی المذاکره حریق محللرینك حین تسویه سنده عمومه عا ئد مبانى و وقفیه عرصه لرینك ضایعاته تابع طوئلنامسى لازم کله جکی حقنده دائره مشارالیه اقلیت آراسنجه درمیان اولنان مطالعه مصیب کورلایکنندن اولو جهله ایفای مقتضاسنك داخیه نظارتنه تبایخی و اوقاف هایون نظارتنه معلومات اعطاسی اکثریتله تذکر قلندی اولبایده امر و فرمان حضرت من له الامر کدر

۶ شوال سنه ۱۳۳۴ و ۲۶ تموز سنه ۱۳۳۲ تاریخ و ۸۱ نومرولی بیورلدى سامینك صورتیدر شورای دولت ملکیه و معارف دائره سنك صورتی بالاده محرر مضبطه سنه هیئت عمومیه دن یازیلان ذیل موجبنجه داخیه نظارت جلیله سنه تبلیغات اجرا قلنمغله اوقاف هایون نظارتی و کات جلیله سندن دخى ایفای مقتضاسنه همت بیورلق

حریق محللرینك حین تسویه سنده عمومه عا ئد مبانى و وقفیه عرصه لرینك ضایعاته تابع طوئلنامسى لازم کله جکی حقنده شورای دولت ملکیه و معارف دائره سندن تنظیم ایدیلان مضبطه و هیأت عمومیه دن یازیلان ذیل ایله شر فوارد اولان بیورلدى سامینك

صورتلری بالاده محرر اولمغله مقتضاسنه کوره ایفای معامله اولنمی خصوصنک تعیمیا
تبلیغه همت بیورلمسی باینده امر و اراده

ل ۲۵ شوال سنه ۱۳۳۴ و ل ۱۱ اغستوس سنه ۱۳۳۲



حاکمک برات شریفی

شروط معینه قانونیه بی حائر اولان بیروت ولایتی مرکز قاضیسی فضیلتلو سلیمان رشدی افندینک
حاکمک برات شریفنه نائلیتی حقنده مابین هایون جناب ملوکانه باش کتات جلیله سنه یازیلان
عرض تذکره سی صورتیدر :

قاضیلک شرائطی وقانون اساسینک سکسان برنجی ماده سننده محرر برات شریفک
صورت اعطاسنی مبین ۷ رمضان ۱۳۳۲ و ۱۷ تموز ۱۳۳۰ تاریخی قانون موجبنه
فتوی امینی افندی حضرتلرینک ریاستی تحتنده مقام ثناوری مستشاری وقاضی مسکر
ومجلس تدقیقات شرعیه رئیس و مدرسه القضاة مدیری افندیلر حضراتندن مرکباً تشکل
ایدن انجمن مخصوصجه اجرا قلنان تدقیقات وتحقیقات اوزرینه تنظیم ایدیلن مضبطه ده
بیروت ولایتی مرکز قاضیسی فضیلتلو سلیمان رشدی افندینک معلمخانه نوابدن
مأذون اولوب مسلك قضاده اون سنه بی متجاوز مدت حسن ایفای وظیفه یه
وخشودى عمومی یه جلبه موفق اولدینی واققدار ولیاقته مالک ووثوق واعتماده مظهر
بولندینی بیانیله قانون اساسینک سکسان برنجی و ذکر اولنان ۷ رمضان ۱۳۳۲ تاریخی
قانونک ایکنجی ماده لری موجبنه قاضیلک ایچون تعیین اولنان شرائط واوصافی حائر
بولنان مومی الیه برات شریف اعطاسنه متفقاً قرار ویرلدیکی کوسترلمش و بوبابده تنظیم
اولنان اراده سنیه لایحه سی لفاً عرض وتقدم قلنمش ایسه ده امر و فرمان مکارم بیان
حضرت پادشاهی نه و ایله شرفتمعلق بیوریلورایسه حکم عالیسنک اتقازینه مسارعت
اولنه جفی درکاردر اقدام .

۸ ذی القعدة ۱۳۳۴ و ۲۴ اغستوس ۱۳۳۲

شیخ الاسلام
موسی کاظم